

Tan pa tell pgoatóg olsgesoagan na mimatjit eta aptjetitjit mo gisi nemi-aog; nige tóg mosigisgo ag samogoan, pagtateg ag porteo oetji gagi gsegal-ogsig; na ogtjit nipa mset gógoel siaol gispatog, astegigtog ag ogtposen-igtog mset gógoel siaol igatog; gato ig gógoel tan mo gisi oli gsispatoóg na semtog gagsemog.

Nige tóg ap angltasoltigo mset og-nagletalogsineo gisna opagsineoalog-sineo mitjoatjitig; elp gileo mo gna-gatjoltip etog tes eloigeneg tesipongeg gminol nagletalogsineo; lapigót ógotj soel mo atigenótegenog tan tllisip mset etli nagletalogsititj oeniga.

Elp getoi ginamoleg mo gplsoetaneo oentjigoómel (mo tjelatoóg) tan tet gisi psegog olsgesoagan tan nagamasl msitegeg oitjel mo gtasitelmap genitjanoag oitji tgoeloaneo gesnogotlititj tani malpaleoit; gis geginoatológ gisna tanig metj gesi nógóltititji.

Gesplagaol, nigmatot, lóg angótem-otig emogol samogoan mo gnesamo-góltineo, genganópatimoal oli oagam-etetj; mo giosgio gtjtjtitoóg ogeloltenen samogoan, an temg goetjagamatonoo; gigtjio nganópatil gisna pilooi tami samogoan oentjitoóg natel giml póg-tesgasig mo gtigtatoneo; pigoeli oap-sagatagatigo, ag genitjanoag oli nep-setgoalag samogoan gisna slspanigen mo ogtjipatemeneo ogsisgoag gisna ogtinineoag.

GTJINISGAM TAN TELEG

Gtjinisgam tapogol oetji ginoitelmot-jel: mset gógoel gisitógsepenel an-gaptemagol ag mset gógoel esenel get-lamsetemagol.

Neogtetjit Nlegam ag mo gisi gagals-íog; netna negem gisitógsepe oasóg ag magamigeo, ag mset gógoal gisitógsepenel, oagela mset ialsetgel.

Sag metj eiges, nigetjeig ag metj iteo gesgemenag gógoelnogog, mógoetj tami eimogsep, onisgameotig eta sig eiges.

Maoenel gisigogsepenel, elp negem mo gisisiogsep; sag ógotj metj eiges neogtetjts negem.

Oasóg eig (magamigeo eig, mset eta pa tan telgig gisitasig mset pa eig, ag mógoetj esgol imog).

Ot elmogo eig, sgato mo nemiat, negem sig nemolg; talnemianes ta? mo ógotj elnoi ginoamogsíog, sig pa nisgameoit, golaman mo nemiat.

Metj eta pa nantem nemolg; tliatj langamog imogo, metj nemolgos; ma-oenel ógotj gisi ialligasigtagogol.

Mentoagig elp eig, sgato mo gesi-nogooag, mógoetj metjetjalogog, oasóg tell oleg mentoagig tell oleg; sig na-tel doeoltititji tetli onmatjipenelatji.

Mo sgato eoageoamogsíog, eln pa oetjtjagamitjolt, mset gógoel gagan-

regel, gagaptegol, gaggegel.

Neogtetjit pa Nisgam ag mo gisi gagaisíog, eln tepetog nesisitjig neogtt nisgameoitjig, Oegoisit ag Eogtjit ag Oetjiloli. Nisgam netna teloisoltitjig.

Oegoisit nisgameoit, Eogtjit nisgameoit, ag Oetjiloli Nisgam tetpi nisgameoit.

Mo na sgato nesísíog Nisgamg, neogtetjig ógotj oesgitjinoitititj oagela nesísitjig neogtt nisgameoitjig, neogtetjig ag oleititji.

Maoen gisigíog, maoen petjilitemog-síog; tetpi gisigíoltitjig nagela nesísitjig neogtt nisgameoitjig, tetpi sag-maoltitjig, ag mset gógoel tetpamog-soltititjig.

Neogttititj ógotj nagela onisgameoit-íoo; golaman neogtetjit Nisgam, mo sgato nesísíog.

Negem pa Sesogoli temg mesol ag-notemolgosenel oagela mesgigel nisgameoitigtog gegtog oetapegel; ginoelnoltigo tell etjefóltigo mo pa gisi gisitetemogol oagela tell gisiag. Sia-olo meloitj lóg moioalanetj Oestaolg tan tell oli pagtatatolgos mesta pógónitpaganemigoeg. Pa sig ogtemeioi-gotj gmelgi getlamsetemeneno, mo sgato seg gtalgolloitasoltineno tan getel pa Gisolg tellitreges laptjio gmmiogoatagoneno. Eln tjeleg mo ogpegigol ogsinogogoneo tan sig gitjatj getoi elapasitjel nagoselitjel.

Gepmi entógoalanetj. Metj nigetj. Getel pa nemitotes Gisolgolgtog tlel olóttil pemaogsitjig ometgioag.

Gesg oeli angótemagol Gtjinisgam tan telgimolgo; netna getel oetji gtjtj-íotigo pa nenagat negem; sgato tan mo goetjótemoagol Gisolgol tan telgimsep seg et: Nenag ag gis getjtjigep; egsoet pa ag ogtininigtog getleel mo eimenog. (S. San.)

(From the New Freeman)

Gis sag aglasíeog tanig alasotmatjig latosan testjig pígtog oetji asogómitaseníg onamagig tógo íall pesgoete-gesenig, tan tllisip nemlátiseniga pigo-eíniseniga lnooga natagmitalíga otin-íneoagel, tellimgóttisenel sagmal: Oen ta ignemólóg gileo gsoistemeneo gem-o'jel? Elegeoit tell ignemoinamet.—Elegeoit? ola tet elegeoit, nin ma. Tó-go oigomaseníga onagapemga osíta-lin tesilítga. Nagela tóg tjínemog ge-get getoi nepótjig emotgolgogoetatjig ag menega glotjleogtó soltisenig. Na nemítóg lno sagmao engalatji onaga-pemga netlatji: Pel gasgeo, glotjleog-tósolttitjig oegela alasotmatjig, eolitel-manetj otjit glotjleoei ag otjit Oestaolg tetli ógótgoetós. Tógo oetjooasit tel-atattjig ag metj gesaltoltitjig.